

# Hakmatek Fali Rojava

Mai Suporta Revolusaun Ekolojiku ih Syria Norte



Komune Internasionalis Rojava

Eskrita husi kampanha hamutuk ho Administrasaun Ulun Rasik Demokratiku iha Syria Norte.





## Introdusaun

Tinan lima liu ba Revolusaun Rojava nian komesa. Hahu husi resistencia nebee eroiku, grupu TPG/YPJ duni nafatin forsa ISIS. Durante nee, povu Rojava rejeita esforsu (upaya) atu hafraku revolusaun. Ho inspirasaun husi ideia Abdullah Ocalan nian no movimentu ba liberdade Kurdistan nian, Rojava hanesan projeitu revolusioner ho objektivu atu sadik modernidade nebee capitalista, liu husi liberdade ba fetu, ekologi, no demokrasia ne'ebee radikal. Maski Revolusaun Rojava nia suksesu (or nia suksesu?), povu hetan nafatin presau; funu ho ISIS, ataka husi estadu Tukey, no bandu ekonomia (embargo) hanesan dezafiu ba dezvoltamentu sociedade foun. Ne'e duni, Rojava presiza suporta husi mundo internasional.

## Komune Internasionalis - Aprende, Suporta, Organiza

Durante tinan balu nee, ami nudaar ema internasional husi nasuan hotu-hotu servisu nafatin hodi realiza aspetu oi-oin husi Revolusaun Rojava. Ho inspirasaun husi perspektivu revolusioner movimentu liberdade Kurdistan nian, ami sei aprende, fo suporta, no ajuda hadia projeitu ne'ebee iha ona. Ami nia objektivu hanesan fo inspirasaun ba gerasaun internasionalis foun hodi rejeita modernidade capitalis.

Ho suporta husi movimentu joven nian iha Rojava (YCR/YJC), ami harii Komune Mundial Rojava iha tinan 2017. To'o agora, ami nia projeitu inklui atividade edukasaun, delegasaun, kursu lingua, no harii akademia sivil ba ema liur ba dala uluk.

## Baze Revolusaun Nian: Ekolojia

Bainhira ema no ambiente fahe malu, ema mos sai izoladu husi sira nia aan, no bele estraga sira nia aan rasik. Sistema modernidade capitalis hatudu realidade nee ho klaru liuhotu; estraga ambiente no krize ekolojia lao hamutuk ho opresaun no esplorasau ema. Mentalidade buka lukru ho la hanoin futuru halo ami nia planeta besik krize, no halo umanidade iha kondisan funu, hamlaha, no krize sosial nafatin. Nee duni, dezvoltamentu sociedade ekolojiku hanesan baze ba Revolusi Rojava, hamutuk ho liberaun fetu no demokratiza aspektu hotu-hotu husi sociedade. Prosesu nee laos kompustu husi protesau ambiente deit; tuir loos, prosesu nee kompustu husi hamosu fila fali relasaun entre ambiente ho povu. Nee hanesan "hafoun unidade nebee matenek, hodi atinji sosidade

nebee organik no natural.” (Abdullah Ocalan). Monokultura, defisiensia bee, polusaun; nee hanesan konolizasaun ema no ambiente.

### **Monokultura, Krize Bee, no Polusaun: Umanidade no Ambiente Kolonizadu**

Ami bele haree ho klaru rezultadu husi mentalidade kapitalista no violencia estatal ba povu no ambiente iha Rojava; to’o agora rejime Baath la interese ba sosiadade ekolojiku iha Syria. Rejime nee foka liu ba esplorasau ba rekursu natural no aumenta nivel produsaun agrikultura maski estraga natureza, liu liu iha rejiaun kolonial Kurdistan Oeste. Halakon ai-laran hamosu sistema monokultura; trigu iha rejiaun Cizire Canton, azeteitona iha Afrin, no rua nee hotu iha Kobani troka ona forma rai Rojava. Durante dekada hirak nee, bandu atu kuda modo no ai, depois liu husi politika represivu no governu finji kria dezvoltimentu, nee kria situatsaun ne’abee dudu ema barak atu muda ba sidade Aleppo, Raqqa, no Homi hodi sai traballdores ho salariu kiik. Produsaun komsumu eletrisidade, sistema foer nebee la tama iha ulun, no tratamentu kimia agrikultura nebee demais liu estraga ona rai, bee, no anin. Povu Rojava luta hodi hamenus impaktu aat ba ekolojia husi politika rejime Baath nian, no mos ameasa hosi estadu Turkey. Iha ataku militar, ameasa invasaun, no mos embargo ekonomiku, no ami mos infrenta problema nebee mosu nudaar rezultadu husi halo lagoa ida iha Kurdistan Norte, rejiaun ida nebee estadu Turkey sei domina hela, no aproveita bee rai okos. Aproveita nee halo mota Rojava nian maran, no hamenus volume bee rai iha rejiaun tomak. Ami haree hela oinsa mak estadu Turkey sei hakotu torneira bee nian.

### **Entre Funu no Embargo - Esforsu Ekolojiku iha Rojava**

Rejime Turkey no Syria nia hakaas-aan atu hapara revolusi iha Rojava liu husi ataka ekonomiku, politika, no militar, funu ho ISIS, embargo ekonomiku nebee hetan suporta husi grupu KDP iha Kurdistan Sul, hamosu situasuan nebee susar hodi kria projeitu ekolojiku iha Rojava. Maski iha projeitu barak, inklui projeitu atu kudu fali ai-laran, proteje ambiente, no kria sistema jestaun lixu ne’bee diak, situasuan konkretu nebee Democratic Self-Administration infrenta sei susar hela, nunee mak susar atu atinji objektivu refere iha leten. Iha rejiaun barak liu, projeitu komite nian iha faze primeira. Revolusaun ekolojiku, nudaar parte husi revolusaun jeral, agora dadaun to’o faze primeiru deit. Komunitade seidak iha konsiensia ba ambiente, matenek nain, no teknolojia, no solidariza ho rai liur.

**Ami nia Kontribusaun ba Revolusaun Ekolojiku: Hamatak Fali Rojava**

Ami nudaar Komune Mundial Rojava, hakarak kontribui ba revolusaun ekolojiku iha Syria Norte. Nee duni, ami kria ona kampanhe ida, Hakmatak Fali Rojava, hamutuk ho Komite Ekolojia iha distritu Cizire. Iha aspektu tolu husi kampanha nee;

- Habiit Akademia Mundial ho perspektivu ekolojiku, hodi fo ezemplu ba sosiadade tomak. Akademia nee atu fasilita edukasaun ba internationalista sira no mos populasoun jeral iha Rojava, ho objektivu hodi fo hatene konaba ambiente/perspektivu ekolojiku no kria sosidade ekolojia.
- Tuir projeitu atu kuda fali ai-laran, no kria kooperativa hortikultura nuudar parte husi Akademia Mundial
- Fo suporta konkretu ba projeitu (dadaun no iha futuru) nebee parte husi Demoratic Self Administration, inklui fahe informasaun entre ativista, sientista, no matenek-nain hamutuk ho komite no estrutura seluk iha Rojava, no dezenvolve perspektivu praza-naruk kona ba ekolojia iha Federasi Syria Norte.

Projeitu kontretu primeiru husi kampanha Hakmatak Fali Rojava hanesan nee:

Realiza ideia 'moris no servisu ekolojiku' iha Akademia Mundial, liu husi harii fatin karii fini no projeitu seluk. Iha tempu primavera tinan 2018, ami atu kudu ai oan 2000 besik Akademia, no prepara ai-musan 50 000.

Suporta konkreta no fiskal ba Komite ba Konservasaun Ambiente, liu husi projeitu kudu fali ai-laran iha reservasaun Hayaka, besik cidade Derik, distritu Cizire. Durante tinan lima oin mai, ami planu atu kudu 50000 ai oan iha lagoa Sefan nia sorin.

Servisu kolektivu nee hanesan parte husi projeitu edukasaun iha Akademia Internasional, no atu hatudu ho klaru sentimentu solidaridade ho Komune, institusaun no estrutura povu nian.

### **'Hakmatek Fali Rojava' Nudaar Ponti Hodi Hamosu Solidaridade Internasional**

Tuir mai iha ezemplu asaun nebee ema bele hodi suporta kampanha Hakmatak Fali Rojava, esforsa ekolojia iha Rojava, no revolusaun iha Syria Norte.

- Fahe informasaun kona ba kampanhe nee ho ativista, sientista no hakamatek-nain husi sektor agrikultura ekolojiku, silvikultura, enerja renovavel, no provizaun bee
- Kontaktu no halao komunikasaun ho ativista, jornalista, politika-nain, no ema seluk nebee interese ba kampanhe nee.
- Hakerek, publika, no fahe artikel no intrevista kona ba kampanhe nee.
- Fahe informasaun ho kolega no membru familia sira. Halekar informasaun konaba revolusaun ekolojiku iha Rojava
- Fasilita komunikasaun entre individu/grupu/organizasaun sira no Komune Internasional Rojava Nian

- Mai servisu iha Rojava
- Fo assistensia finansial

**Kontaktu:**

Mail: [makerojavagreenagain@riseup.net](mailto:makerojavagreenagain@riseup.net)



Web: [www.internationalistcommune.com](http://www.internationalistcommune.com)

Facebook: [facebook.com/CommuneInt](https://facebook.com/CommuneInt)

Twitter: [twitter.com/CommuneInt](https://twitter.com/CommuneInt)

**Doasaum liu husi konta bankaria:**

Rote Hilfe Schweiz

IBAN: CH82 0900 0000 8555 9939 2

BIC: POFICHBEXX

Post Finance

Mentiona: 'Make Rojava Green Again'